

وليد المصري

مين حبا قدي

أشعار بالعامية المصرية

الطبعة الأولى ٢٠١٧

بطاقة الكتاب

عنوان المؤلف : مين حبها قدى
المؤلف : وليد المصرى
التصنيف : أشعار بالعامية المصرية
رقم الإيداع : 23003 - 2017
عدد الصفحات : 100 صفحة
رقم الإصدار الداخلى : 69
تاريخ الإصدار الداخلى : 11 / 2017 طبعة أولى
تصميم الغلاف والتنسيق : دار النيل والفرات للنشر والتوزيع

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



دار
النيل والفرات
للنشر والتوزيع
أسسها الشاعر ناجى عبد المنعم
عام 2017

رخصة مزاولة مهنة: 58365 - سجل تجاري: 13242 / 2017 - بطاقة ضريبية: 01-35-572
عضو عامل باتحاد الناشرين المصريين رقم 941 لسنة 2018
هاتف: 01011256943 - 01116202218 - 01202541192 تليفاكس: 020554372901
alnilwaalfourat@gmail.com alnilwaalfourat
القرن الرئيسي: ج.م.ع. محافظة الشرقية - العاشر من رمضان - مجاورة 13 - أمام سنتر الـ13 - قمار 304

إهداء

الى روح الراحل الطيب البسيط
اللى كان عايش وراضى بقليله
سبب وجودى فى الحياه.....أبى
الى روح من حملتنى تسعة اشهر بداخلها
وارضعتنى حنانا ودفنا فى احضانها
ست الحبايب..... أمى
الى روح من وقف بجانبى
وساعدنى كثيرا أختى سعد
الى روح من ضحوا بأرواحهم
من أجل الوطن
الى شهداء العيش والحرية والكرامه
من جيش وشرطه وشعب
الى كل اصدقائى واخوتى واقاربى
ومن حولى جميعا
الى الشعراء والمبدعين
الى ابنائى وزوجتى
أنتم دائما فى القلب
أهدى اليكم جميعا ديوانى

وليد المصرى

مفتتح

أنا الإبن اللى عاش
يحلم بفجر جديد
أنا اللى بكتب لك
وبوهب لك بدمى حياه
أنا الفرحة اللى قتلوها
فى يوم العيد
وكان نفسى أعيش
فيكى ومقولش الآه
أنا النعش اللى كان
طاير وإسمى شهيد

هويس

يا بحر بسيط مانيش فاعل
ولا مفعول بيتسيط ويتعامل
أنا الفعل الى صان عهدك
وعاش بالحب يتعامل
ما بين عشقى وكونى هويس
بشوف الصوره واتفاعل
وبتغير مع الأحاسيس
محدث عمره كان كامل
أشوف ليلى بتعشق قيس
وأتوه وأسرح فى مملكتك
بقيت واحد من المهاويس
بينبض قلبه من قلبك

وبيحارب فى كل خسيس
يحطم فيكى ويذل لك
ياحب وعشق م المواريث
بحبك حب موصوف لك
ومكتوب لى بدون تأسيس
أكون فارس يشيل إسمك
وأكون ليكى بطل ورئيس
وحلمه يعيش مع سيرتك
يحوش عنك كتير كوابيس
ولا يكونشى فى يوم خصمك
مانيش كومبارس فى الكواليس
وبيمثل فى دور عاشقك
أو حد م المحابيس
بيبيع ويشترى فى جسمك
أنا أحمس وعنخ آمون ورمسيس

أنا أزوريس ياست هاميس
وكل اللى يوم عشقك
فكونى ذى ما تكونى
وعيشى للى يخلص لك

مركب العشاق

الحب فى القلوب ساكن
ومدوب روحه فى العاشقين
موجود فى كل الاماكن
بس البشر تايهين
ما بين الحلم والصدفه
راكبين فى مركب ومتبتين
والنبض لو يعدل الدفه
تلقانا فى الغرام دايبين
كثير بنكدب ونصدق الكدبه
وبنفرق ما بين قلبين
فى بحر دموع ياما شوفنا
عشاق كثير مساكين
وحلم العمر يخطفنا

وإحنا مش حاسين
ماشيين فى سكة سفر
منعرفشى لفين رايعين
شربنا من كاس المر
وبحبال الأمل متعلقين
بنتحلى بطعم الصبر
وسط الظلام متغربين
وعشان نطول القمر
لازم نضحى سنين

نفس المكان

هنا فى نفس المكان

على دكه فى جنبه

وسط ورد وريحان

كل مره اعدى فيها

أفتكر أيام زمان

أحلى قصه لحبنا

وحكايات عشقى اللى كان

ذكريات محسوبه فى عمرنا

عشنا فيها إنتى وأنا

كنا نشعر بالآمان

وبرغم الفراق

لسه القلوب عايشين

جوانا اشتياق
من سنين وسنين
كنا نقعد بالساعات
والأيدين متشبكين
راميه حضنك جوه حضنى
وسط زقزقة الكناريا
سيمفونيه تهز قلبك ويا قلبى
أحلى عيشه وأحلى دنيا
تحضن الشمس الصباح
وقت الغروب يبهرنا منظرها
كنت بحلم ابقى ليكى
وتبقى ليا
حب عمرى وماتغيش
عن عنيا
بس يظهر إنه كان

لا باديكى ولا باديا
نفترق من غير ميعاد
ساييه عشقك جوه قلبى
ذكرى حلوه ماتت نسيش
هنا فى نفس المكان
أنا وإنتى حلمنا نعيش

مين حبها قدى

أنا العاشق
وإنا المعشوق
أنا الغرقان
فى بحر الشوق
تاخذنى الموجه
وتجيبنى
لشط غرامك
أصحى وأفوق
مانيش فى الحب
روميو
ولا فى الصبر
أيوب
أنا وإنتى اتنين
وعشقوا

حكم القدر
مكتوب
بحبك بدايه
وأحبك نهايه
وحبك معايا
فى مليون حكايه
ومقدرش أفارقك
أو أرحل بعيد
لأنك لقلبي
طبيبي ودوايه
وزارعه الحب
جوايا
وطارحه فى قلبي
الحنان
مين اللى يقدر

يكرهك
وحضنك نبع
الأمان
أنا المولود
على إديكى
ورضعت منك
إيمان
بحبك حب
خلانى
بتاج العشق
سلطان
بحبك مهما قالوا
فقيره
واحبك لو يقولوا
أسيره

واحسك واشوفك
بقلبي وعيني
حببتي وحياتي
وأجمل أميره
بحبك في نسمة
وسهره جميله
في نيلك وليلك
وبحرك وصيفك
في بنت بضاير
وعيون كحيله
ومطره في شتاكى
بتحضن ولادك
بحبك وشايفك
أمي الأصيله
وعايشك وحاسك

فى أجمل قصيده
بسيبك وبرحل
وأشرق وأغرب
وبندم وبرجع
بشوقى إليكى
وتنزل دموعى
فى لحظة ما أقرب
لأرضك وناسك
وكل اللى فيكى
بحلوك ومرك
حبيبتى الكبيره
فخور إنى منك
وعاشقك وليكى

سؤال وجواب

وبتسأليني حبي ليكي

قد إيه

بصي ف عنيا تعرفي

إنتي بالنسبالي إيه

حبك إنتي جوه مني

له طعم وشكل تاني

ساكن جوه قلبي

بيجري في دمي

وشرياني

حبك إنتي

بالعالم واللى فيه

نبع الحنان والوفا

حُضن الأمان والدفا
عشرة سنينى اللى رايحه
وسنينى اللى جايه
اللى صابره وواقفه جنبى
واللى شايله معايا همى
لو هقول أنا والا هحكى
هحكى إيه أنا ولا إيه
وأما جيت أكتب نهايه
إكتشفت إن اللى بينا
حب

أقوى من السنين
حب عايش جوه منى
وإختصرته فى جملتين
شريكة حياتى المخلصه
أم العيال الطيبه

دواير حياه

دواير تلف فى دواير

نبدئها بحياه

والبشر ساير ودائير

فى كل اتجاه

تايهين فى دوامه

وسط بحر كبير

تاخذنا الموجه وتجبينا

وبنعافر فى لقمة عيش

وحلم العمر بيسبنا

ومحلمناش نكون دراويش

بنتشعلق وطوقنا نجاه

نشيل الهم ف قلوبنا

وقولة آه

ونستحمل جراح وآلام

يفور الدم فى عروقنا
نفوق على الأوهام
خيوط بدايه ونهايه
وطريق مخيف
فساد بيهزم جوانا
الطيب والضعيف
توابيت ودافنه كل يوم
وإذاعه تعلن موت الشريف
متغربين جوه الوطن
وبندعى فى الملكوت
نصرخ مهما نصرخ
محدث بيسمع صوت
دايرين نحارب فى المحن
وسابقنا قطر الموت
والجته دابت م العفن

والروح بتنسحب فى سكوت
عيونا تبكى بدموع
فى شريط لماضى وذكريات
كوابيس تلازم فى العقول
وتغير المسارات
وبين الحياه والموت
تاقت المسافات
أحزان بتسكن فى البيوت
وقلوبنا مليانه بأهات
عزف الكمان ع الجرح
وداس بالحزن ع الاوتار
فى ليل طويل دندن فى لحنى
الصبر طال م الإنتظار
طلع النهار والضهر محنى
تحت الشجر فى العصارى

صرخ النأى لأوجاعى
وان يوم الشعر فرحنى
هقوله مافيش داعى
صوت القلب كلمنى
وجهز حفل لوداعى
خلاص حبيبتى ماتحلميش
جرحك فى علمنى
أرجوكى سيبينى ماتعنديش
وتموتى الحب اللى باقى
إدينى فرصه إنى اعيش
أو تكتبى شهادة وفاتى

شدى حيلك

شدى حيلك يابلد

مايهمكيش

شد حيلك ياولد

ولا تنحنيش

بكره راجع حق اخوك

والوطن هيعيش

مهما حاولوا يفرقونا

الأمريكان

مهما عملو ألف داعش

جوه ليبيا أو فى سوريا

والعراق

مصر تقدر تنتصر

طول ما فيها أوفياء

وطول ما فيها زعيم وجيش

مصر الطيبه المؤمنه

هتعيش

رغم أنف الاغبياء

شهيد الوطن

صرخة شهيد الوطن
لحظة خروج الروح
نطق الشهادة وقال
كلام بصوت مجروح
وهبت روحى للوطن
علشان يعيش
واجهت الرصاص بصدري
ولا همنيش
كان نفسى أشوفك بلادى
فى أمن وأمان
مش بحور من دم وآلام
ما بتنتهيش

علمونى فى مدرستنا
إزاي اواجه أى حاجه
بس نسيوا يعلمونى
أحمى ضهرى من الخيانه
من اللى عاشوا سنين فى خيرك
وبألف خنجر يطعنوكى
ذنبي إيه غير إني واقف
أحمى أرضك وأحمى عرضك
وبكل قسوه بيقتلونى
إمسحى دموعك يا غاليه
ما تحزنيش
وماتزعلش إن كنت
سبتك عشاتها
ما إنتى اللى من صغرى
زرعتى فيا حبها وحنانها

إبنك شهيدك كان بطل
والحق راح يرجع أكيد
مكتوبلى أقابل ربنا
وفى الجنه أكون لك شهيد
قال الشهيد
خالى بالك من ولادى وصبريهم
علميهم يعنى إيه كلمة وطن
وإن موتى كان عشاتهم
خوف عليهم من الزمن
إحكى ليهم يامه عنى
وإروى ليهم فى التاريخ
إزاي رصاص الغدر صابنى
وإزاي بقيت شهيد جريح
وإن كانوا قالوا
رضاكى عنى من العباده

أوعى تنسى تقولى ليهم
معنى الشهاده
وإن حب الوطن
برضوا من العباده
وأرفعى راسك لفوق وإفرحى
بكره هتشوفى الوطن سعيد
وولاده يدوكى التحيه مطرحى
مصر يامه لما تصرخ
وتقول ولادى
واجب علينا كلنا
نلبي نداها
نوهب حياتنا وعمرنا
وروحنا فداها
نرفع علمها ونهتف عشاتها
بلادى بلادى

أفديكى بدمى وأفديكى بحياتى
بلادى بلادى
عشانك أضحى بشهاتى ووفاتى

إرهاب

دقت طبول الحرب
ملعون ابوك إرهاب
مالكوش لا دين ولا قلب
غاويين دمار وخراب
فجر كمان واقتل فى ناس
إعمل قنابل بالريموت
إمسك سلاح واضرب رصاص
مش هخاف انا أى موت
ياللى بتهدر دم المصرى
وبتدارى فى إسم الدين
فاكر رأيك هوه الصح
وكل الناس حواليك كافرين
دينك قالك تهدر دم

تقتل ناس واقفين يحموك
لو بتفكر بس بعقلك
تلقى الجندى أخويا وأخوك
أصلك نذل وطبعك خاين
ياللى بتنشر فى الإرهاب
قبل ماتضرب أى رصاصه
تهدم بيت وتيتم أسرته
كنت تفكر مليون مره
ليه بتقلبها دمار وخراب
بكره مصيرك يبقى مصيرهم
لما تنول حكم الإعدام
وانت بإيدك راح تختار
لما تقابل رب العزه
وتلقى مكانك يوم الآخره
هما فى جنه

وانت فى نار

شعب القتال

ياشعب القتال

ياشعب البطوله

والشهامة والنضال

ياللى كنتوا درع مصر

من العدو والإحتلال

ياللى بيكوا

مصر دايمآ تفتخر

باللى ماتوا واللى ضحوا

وكل نقطة دم سال

ياللى أرضك

كل حبة رمل فيها

مرويه بدم الابطال

ع السمسميه بتعزف الحانك

بتغنى وبتوصف احزانك
وطريق كفاحك ونضالك
فيه الفرحة وفيه الموال
ياشعب القنال
بورسعيد
بورسعيد يادره
وارضك حره
عدوان ثلاثى
إتصدتلوا بكل جراه
لما خرجت نسانك
تساعد رجالك
ومهمكيش مين يموت
ومين يعيش من ولادك
ولسه الشهده
بتموت على ارضك

ولسه برضوا
بتضحى بحياتك
وكل اللي همك
هو ه حبك لوطنك
وعشقك لذاتك
بور سعيد يادره وأرضك حره

إسماعيليه

إسماعيليه عروس القتال
أبطال طول عمرهم
فى فنون القتال
وف خمسه وعشرين يناير
بشرطتها وشعبها
بنحتفل من زمان

لما كانوا أيد واحدة
فى المقاومة والعدوان
دافعوا عن ارضهم
بكل مروءه وإستبسال
حريفه فى الكوره
من جيل لجيل
وشبابها كله همه
وما يعرفشى المستحيل
عنده صبر وعزيمه
وتحقيق آمال
وصدقوا اللى قالوا عنها
إسماعيليه عروس القنال

السويس

سويس يابلد الغريب
ياللى حبك فى القلوب
دايمآ قريب
وقصة كفاحك ع الجبهه
ضد العدوان الصهيونى
لو هحكى مش هقدر اوفى
لشعب باسل وبدمه لسه بيضحى
ياللى منك عبد الناصر
بدأ المشوار
وحررنا من العبوديه والإستعمار
واما الثوره قامت من جديد
كان فخر ليكى
تبقى صاحبة أول شهيد

سويس يابلد الغريب

يوم العبور

فى سته أكتوبر

تلاته وسبعين

يوم عشره رمضان

كان الميعاد

وقت الصيام

وقفوا الرجال

صامدين

بأعظم معارك

خاضتها البلاد

قالها الرئيس

العظيم السادات

إبدأ ياجيش

العروبه الجهاد

شققوا فى سماكى
ياسينا النسور
وعبروا الرجال
القناه والجسور
حطموا الموانع
دمروا الحصون
لتحيا بلادى
بيوم العبور
يوم الوفا
لخيرة الجنود
حماة الوطن
حراس الحدود
وقت المحن
كاثوا الأسود
ضد العدو

ضد اليهود
شقوا بارليف
المحال
هزموا إسرائيل
وسط النهار
ضحوا بحياتهم
ع القنال
حرروا ياسينا
الأبطال
ع الضفه
رفعوا العلم
الله أكبر
زادوا الهمم
لجل مايعودوا
لبلادی

بأغلى انتصار
طول عمرك يابلدى
ولادة رجال
وجيشك رجالوا
ما تعرف محال
عزه وكرامه
وبطوله ونضال
قوه وعزيمه
وشهامه وقتال
تسلم يا جيشنا
يا حامى البلاد
يا ساكن فى روحى
وجوه الفؤاد
وخيرة الجنود اللى
قالها رب العباد

خير أجناد الأرض

قبل ما تسأل إحنا مين
إقرا تاريخ المصريين
شوف كام قائد دافع عنهم
وحرر شعبه بنصر ميين
أحمس وقطر وصلاح الدين
هزموا الهكسوس والتتار
وانتصروا فى حطين
ناصر والسادات حرروها
وانتصرنا فى ثلاثه وسبعين
سبع تلاف سنه حضاره
ولسه مكملين

عرفت إحنا مين
إحنا الجيش المصرى الحر
ياما حاربنا وياما آسينا
ياما شربنا كاسات المر
إستشهدنا وموتنا فى سينا
وإتحلينا بطعم الصبر
ودمنا يشهد بكره علينا
وهنتحاسب جوه القبر
مصر بلدنا وغاليه علينا
مهما أذوها بكل الشر
وهنفديها بضى علينا
من إرهاب وف طبعه الغدر
واخدين عهد لنحمى بلدنا
مهما سنين العمر تمر
واللى يفكر يوم ياذيها

بكره مصيره الموت والشنق
راجع نفسك وإصحى وفكر
دينك قالك كفر وإقتل
مسلم ذيك أو كان أعزل
بكره قيامه تقوم وهتخسر
قولى ساعتها هتعمل إيه
لما فى وسط النار تتحسر
راجع نفسك وإصحى وفكر
إحنا الجيش المصرى الحر

بعشقك

بعشقك

وحبك فوق كل شئ

بعشقك

من قلب طاهر برئ

وحبك فى دمي

بيجرى فى وريدى

ساكن فى قلبي

وعايش فى روحى

لأنك حياتى

وعمرى وذاتى

ويا ما عشت فيكى

أحلى ذكرياتى

بعشقك
وعاشق حنائك
وعاشق زمانك
بنيك وأرضك
وهرمك وعلمك
ومهما إختلفنا فى رأينا
ووقفنا ضد بعضنا
بيجى يوم يا أمى
وحضنك يضمنا
وحنائك وعطفك
يجمع شملنا
ومهما بنبعد ونتفرق
وبنشرق وبنغرب
مهما الدنيا تلهينا
بنرجع لىكى ونقرب

ولو تطلبيني أضحي لأجلك
ما أنا ابنك شهيدك
ودمي وروحي
فداكي يا مصر
ما إنتى أُمى
وعايشه فى وجدانى
من وأنا طفل صغير
رضعت منك حنانى
وياما شربت من نيلك
واكلت من خيرك
ولما كبرت بقيت
عاشق سماكى وترابك
حبيبتى يا مصر بعشقك يا أُمى

بِسْمَةِ أَمَل

بِسْمِ اللَّهِ...بِسْمِ الْأَمَلِ
بِسْمِ الشَّرَفِ وَالْعِرْقِ وَالْعَمَلِ
حَفَرْنَا قَنَاانَا بِأَيْدِي مَصْرِيهِ
أَيْدِ قَوِيهِ وَعَفِيهِ
أَيْدِ بَتْنِي وَأَيْدِ تَعْلَى
جَسُورِ الْحَرِيهِ
أَيْدِ تَخْضُرِ أَيْدِ تَعْمُرِ
أَيْدِ بَتَزْرَعِ أَيْدِ بَتَحْصِدِ
إِخْلَاصِ وَوُطْنِيهِ
فِي السُّوَيْسِ وَبُورِ سَعِيدِ
وَعُرُوسِ الْقَنَاةِ إِسْمَاعِيلِيهِ

قناتنا الجديده بقت عالميه
شريان جديد للحياه
سفن رايعه وسفن جايعه
وطوق لنجاه...بفضل الله
وقياده مصريه
شعب بادر بالكفاح
واصل الليل بالصباح
كتب تاريخه بإديه
صنع المعجزات
بقرار من زعيم وجيش عظيم
كلل جهوده بإنجازات
حماها وبنائها من جديد
خضع لإرادته شعبيه
ضرب بيد من حديد
لجل ما يعيش الوطن

أمن وأمان وحرية
وخير كل يوم بيزيد
لأجيالنا اللى جايه
قال حط ايدك ويا ايدى
بكره ترجع مصر اجمل
وكل فجر جديد هيجى
راح نشوف الحلم يكمل
مصر بينا هتبقى جنه
أيد محمد ويا حنا
وف رباط ليوم الدين
الإله والرب واحد
وكلنا مصريين

لمسة وفاء

لأنى إتولدت فيها
وعشت على حبها
وكبرت أحلامى بيها
ومهما هقول عنها
فخور إنى منها
وابن من صلبها
أصل الرجولة فى ولادها
والطيبه معدن شعبها
طول عمرها أرض
البسالة ومصنع رجال
فيها رمز البطولة

ونبع الكفاح والنضال
على أرضها شهد التاريخ
أعظم ملاحم فى القتال
شرطه دافعت عن أرضها
فى المقاومة ضد الاحتلال
صمدت لآخر نفس
بكل مروءه وإستبسال
خمسه وعشرين يناير
يوم الإحتفال بعيدها
وعيد لكل الأجيال
جيشنا العظيم
من أرضها عبر القتال
هزم إسرائيل
وحطم خط بارليف المحال
بلدى معلمه

فى قلب الصغير والكبير
تشوفها تعشقها
من القنطره لفايد للتل الكبير
فى الفن والرياضه والأدب
صنعت نجوم كثير
ع السمسيمه
عزفت أحلى الألحان
على أثار البهجه والوجع
غنوا للفرح والأحزان
بلدى شبابها كله همه
مايعرفشى المستحيل
طول عمرهم حريفه
فى الكوره من جيل لجيل
فن وحرفنه
وأحلى م البرازيل

قالوا عنها
مدينة السحر والجمال
فيها البحر
والخضرة والميه
قالوا عنها
باريس المصريه
فيها الشواطئ والمتاحف
والسفن فى القنال
رايحه وجايه
يا محلا جمالها
فى ساعة عصريه
بلدى عروس القتال
واسمها إسماعيليه

رساله الى أمى

أمى العزيزه الغاليه
أمى الأصيله الصابره
يانجمه فى السما عاليه
يانسمه ربيع صافيه
صوتك دفا وحنيه
وقلبك حنين فيا
بحبك يا أمى
وحبك جوه قلبى وفى الروح
وعايش معايا فين فين مابروح
ما إنتى فى حياتى وعمرى
طبيب يداوى جروح

وان يوم يا غاليه تعبتى
أحس إن أنا مدبوح
ما لجنه تحت أقدامك
وأنا لو هعيش
طول عمرى خدامك
مش هقدر أعوض صبرك
ولا عطفك ونبع حنانك
ما إنتى اللى حبك
بيجرى فى دمي
وإنتى اللى حضنك
ينسينى كل همى
عايش بدعاكى ورضاكى
وبدعى ربى يسلم خطاكى
ويدوملى دعاكى
حبى ليكى حب حصرى

حب عصرى حب أصلى
حب عایش جوہ منى
والنهارده جاى فى عيدك
جاى أبارك جاى أهنى
جاى وجايب أحلى هديه
لست الحبايب أمى

جای اقول لك

إن صوتك جوه بيتنا
بيحسنى بالأمان
ما إنتى أصلك نوارتنا
وف حضنك الطيبه والحنان
واما اقوم الصبح بدرى
وألقي نور مالى المكان
أول حاجه تشوفها عيني
هيه إنتى
أصل الحياه ملهاش وجود
من غيرك إنتى
وف ختامى

عايز أقول لك كلمتين
بحبك يا أمى
ساكنه فى القلب والعين

وحشانی یامہ

رغم سنين الفراق
عمرى ما نسيك فى ثانيه
لسه قلبى فى اشتياق
لسه صورتك عايشه فىا
مهما طال بينا البعاد
لسه باعلن فى الحداد
لسه فاكر برضوا عيدك
وأهديكى وردہ فى الميعاد
وأقرا فاتحه فى يوم رحيلك
وادعى ليكى فى الصلاه
وحشانی یامہ

واحشنى العطف والضمه
واحشنى اللقمه واللمه
من إديكى الشقيانين
قلب صافى وحضن دافى
كلهم طيبه وحنين
شفت فيهم عمرى كله
حلم بكره والسنين
إحساس أمانى والدفا
نبح الحنان والوفا
والعينين السهرانين
وحشانى يامه
الف رحمه ونور عليكى
ياللى قلبى بيناديكى
بعد منك صعب الاقى
حضن دافى يضمنى

صعب الاقوى قلب صافى
يشعر بقلبى يحسنى
يشيل هموم الدنيا عنى
ويداوى جرحى فى محنتى
يا أغلى وأعز الحبايب
يا حب عمرى اللى غايب
وحشائى يامه

أغنية سينا

سينا يا سينا يا أرض الخلود
ياتبع الحضاره يامهد الجدود
رملك معطر بدم الجنود
وشمسك تنور تفتح ورود
ما إنتى اللى فيكى حاربنا آسينا
وسالت دمانا عشائك ياسينا
يا أرض الكنايه يا أرض الصمود
وفيكى هزمننا جيوش اليهود
سينا يا سينا يا أرض الخلود
ياتبع الحضاره يامهد الجدود
هعمر فى أرضك وأحشد حشود

وأخضر رمالك لحد الحدود
وهابنى مصانع وأشيل القيود
بإدين شبابنا الرجال الأسود
يرجع زمانك وفجرك يعود
وتعيشى يا حره وعدلك يسود

سينا يا سينا يا أرض الخلود
يانبع الحضاره يامهد الجدود
إنتى أماننا اللى جاى فى الحياه
طريقنا لبكره وطوق النجاه
يابخته اللى فيكى نال الشهاده
وتسلم إدين الجنود والقياده
واللى يعاديكى بيحفر فى قبره
أصبح عدوى ومصيره الإباده
سينا يا سينا يا أرض الخلود

يأتبع الحضاره يامهد الجدود

دائماً فى القلب

جوه القلب وجوه العين

شايلى اسمك يا فلسطين

راسم علمك بين أحضانى

وادعى إلكى فى كل صلاتى

إمتى هيجى صلاح الدين

ينصر شعب صبر لسنين

شعب بينزف علشان حقه

ويسيل دمه فى الميادين

من عدوانى بينهب أرضه

ينهش لحمه ويهتك عرضه

فين الرحمه وفين الدين

دمك غالى يا فلسطين

بدعى يارب الكون يا معين

صبر أم ضناها أستشهد
برصاص غدر من الخائنين
أب وأسره ضربوا بيوتهم
ماتوا في عز ما كانوا نائمين
ماسبوش طفل بيجرى ويلعب
وف مدرسته قوام نسفوه
عمر الشر في يوم ما هيكسب
وطعم الظلم مسيره يموت
هيه سحابه وبكره تفوت
غزه يا غزه يا رمز العزه
أرضك طاهره بدم الشهده
عشتى يا حره يا واقفه وصامده
ع العدوان الغاشم صابره
إحنا الشعب اللى ما بيخافش
وحقك راجع بكره أكيد

وهنتجمع سوا فى القدس
الشعب العربى الإيد فى الإيد
وف أحضان الأقصى نصلى
فجر جديد وصلاة العيد

ثورة يونيو

أنا اللى بحبك

واعشقتك

ومهما يزيد عنادك

وغضبك

لا يمكن فى مره

أكرهك

أنا الشهيد اللى دمي

روى ترابك

وأراضيكى

حلفت لأحررك

يا بلادى

وبدمى وروحي

افديكى

كنت التمرد
ثوره فى شوارعك
وحواريكى
ويوم ثلاثين
شفت الفرحة
فى عنيكى
بإدين ولادك
وشعبك الثاير
رجع الحلم
الى إتسرق
فى ثورة يناير
ثوره قامت
علشان نعيش
رجعت الأمل ليكى
حماها الشرطه والجيش

ورجعت أحلامك وأمانيكى

وأنا كنت لك

طوق النجاه

وكفنى كان علمك

لجل ماتنولى الحياه

ما إنتى العظيمه

وعظمتك

تفوق الحدود

رجالك نسائك

شبابك أسود

بيبنوا فى تاريخك

ومجدك خلود

كسروا الحواجز

فكوا القيود

وف ميادينك

أقامو الحشود
ملايين ونزلوا
يهتفوا بعلو الصوت
أرحل... أرحل
زلزلت ميادين السكوت
رفعوا كارت أحمر
للظلم والجبروت
ماشفتش لشعبك
مثيل فى الوجود
بأيده يغير
ويزرع ورود
ويحصد فى خيرك
وعدلك يسود
أرض الكنانه
وحبك فروض

فخور إني مصري
وابنك يا عاليه
ومروى بنيلك
ورايك عاليه
عظيمه يامصر
وعظمتك
تفوق الحدود
وأجمل مافيكي
شبابك وجيشك
قاده وجنود

شباب 25 يناير

إحنا شبابك يا بلادي
رافعين علمك فى العالى
مصر الحره هتفضل فوق
عالى وعالى وعالى الصوت
واللى هيهتف مش هيموت
أخرج عبر واطلب حقك
أحسن ما تموت رعب وخوف
ما إحنا تعبنا سنين وسنين
روحنا وجينا شمال ويمين
أتاريهم كانوا بيعشونا
لما بقينا مش عايشين
سرقه ونهب وظلم سنين
فين الرحمه وفين الدين

دول قتلونا فى الميادين
ودمنا غالى يامصريين
عالى وعالى وعالى الصوت
واللى هيهتف مش هيموت
إحنا شباب 25

قلبنا ابيض ذى البرق
دمنا صافى بلون الورد
وبنوعدكم وعد الحق
مش راجعين لو حتى نموت
مابقاش فيها خلاص سكوت
صوتنا هيفضل دايمآ على
للفاسدين دايمآ هيعالى
ولايفرقشى معانا الموت
عالى وعالى وعالى الصوت
واللى هيهتف مش هيموت

مصر الحره هتفضل فوق

حكاية ميدان

كان يوم ميلادى

يوم ميلاد مصر القويه

لما انتصرنا ع الفساد

وندينا بالحرية

لما أسقطنا النظام

باراده شعبيه

لما دويانا الآلام

والصرخه كانت عفیه

قولنا لاه بالكلام

هما ردو بالرصاص

إحنا رافعين الأعلام

هما جابوا كام قناص

فى سنين كتيره فى عمرنا

توهنا فيها فى الزحام
أنا كنت واقف فى الميدان
اللى مات فيه أخويا
هو ده نفس المكان
اللى ضحى فيه أبويا
وكانت واقفه جنبى
شهيدة عصرها
صرخت وقالت حقى
فهدروا دمها
شفت ناس متجمعين
ناس غلابه ومحتاجين
بيطالبوا بحقهم
شفت أب عشان عياله
جاي وعاييز رزقهم
شفت ام ضناها مات

واخذه صورته فى حضنها
عائشه ع الذكريات
والدموع على خدها
تبكى مهما تبكى
وتصرخ مهما تصرخ
ما هى عايزه حقها
شفت مسلم فى الوضوء
والمسيحى يصبوا
قام وصلى فى الميدان
والمسيحى أمنوا
كلهم متجمعين
فى حب مصر موحدين
هما دول المصريين

فرعون

قالوها فى الامثال
يا فرعون مين فرعنك
كان الجواب ع السؤال
ملقتش حد يلمنى
كتير بنحلم
ونبنى الأمال
والغلطه جايه مننا
طول عمرنا متفرعين
والفرعنه فى دمننا
على مر السنين
طلع عين
أبونا وأمننا
بنصنع بإديننا

فرعون
ونقول بكره
هينصفنا
وعشان الكرسي
ملعون
يتحول لغول
وينهبنا
نقول الحق
ونخش السجون
ونموت من الفقر
وتزيد كل يوم
أوجاعنا
والحزن يعشش
ويسود
ملعون أبوه

السكوت
خلا الظلم موجود
والعدل جونا
ينسحب ويموت
واحننا الى باءنا
بننأى أنفنا
أصبأأ أانا
بلا معنى
نصرأ نقول الآه
ومفن هفمنا
مففش أفرأ
فارب الكون
نأأفلا فرفانا
وفأفظ بلانا
أا أألم

مات جونا
والكلمه محبوسه
عائشين فى أحزاننا
والفرحه مكبوته
بنغرق فى دوامه
ونتوه فى ميت حدوته
والدنيا بقت
تشبه الغابه
وعشان جنباه يعيش
يمص دم الغلابه
ويطلق علينا
الكلاب والديابه
فيموت الشريف
ويعيش الخسيس
وتفضل الساقيه

قلايه

بين الحياه والموت

لانى إتولدت
بحبك واعشقك بالفطره
ولان عشقك
جوايا سابق الفكره
قالولى تعشق قمر
قولت أنا بحبها مفتون
وبرغم إختلاف البشر
فى الشكل والمضمون
لسه بخاف القدر
يحرمنى أحلى عيون
مقدرش أشوفك بتبكى
م الوجع ومابكيش
واما جابوا الطبيب

يعالجك
قولت يمكن
على إيديه تعيش
طلع بيتعلم فيكى
وأخطأ التشخيص
كتب لك رويته
قسمت وفرقت
فى أعضاءك
ماهو أصل الدوا
كان رخيص
كنت شايف آلامك
بتزيد ما بتخفيش
كان لازم أصرخ
بعلو الصوت
بدل مايقولوا

طلع نذل
وساب
حبیبته تموت
حلفت
لأدویکی بادی
ما أنا منك
وانتی منی
وغالیه علیا
ولو تموتی
أموت معاکي
فی اللحظة والثانیه
ما أنا زهرة شبابك
أنا جیشك وحراسك
أنا اللى بفدیکی بحیاتى
ولو هموت

على ترابك
هموت مرتاح
هيبقالى
صفحه فى كتابك
وقصة كفاح
وعشان موتى
كان جراه
ومش خوف
هتشوفى بعدى
فى الشوارع
ملايين وألوف
هيداو جرحك
وينصروكى
ويدافعوا عنك
ويحموكى

وساعتها هیقولوا

مات شهید الولد

ماهنشی علیه

تموت حبیبته

فمات هوه

وعاشت هیه

أوبريت/ مصر بتفرح

مصر بتفرح يالا يا شعب
ارفع رايتك عدى الصعب
قول بالقلب وقول بالحب
تحيا مصر تحيا مصر
ام الدنيا وقد الدنيا
كلمه وقالها زعيم العصر
ايدى فى ايدكوا يا ولاد بلدى
نعبر بيها من نصر لنصر
تحيا مصر تحيا مصر

لما زعيمنا الرئيس قال
عايزين نحفر تانى قنال
خرج الشعب وبالملايين

قالو ده حلم بقالو سنين
وبأموالنا وايد عمالنا
قمنا حفرنا احلى قنال
وبنهدوها لروح شهدائنا
ورجال الجيش الابطال
تحيا مصر تحيا مصر

فى السويس وف بورسعيد
وعروس القناه اسماعيليه
شريان حياه بالخير جديد
سفينه رايعه وسفينه جايعه
تحكى عنا فى كل ميناء
عن شبابنا وعن اهلينا
وتقولها للعالم قويه
مصر بتنهض كل ثانيه

تحيا مصر تحيا مصر
مصر بتقولك ياريس
افرش طريقك بالأمل
خاللى ولادها تعيش كويس
وإبدأ كفاحك بالعمل
انشر بإيدك علم لينا
واعبر حدود المستحيل
وبالشباب عمر فى سينا
تأيدنا ليك اكبر دليل
تحيا مصر تحيا مصر

عشت يابطل الثوره بجد
ياللى حميت البيت والعرض
صنت الأرض وصنت العهد
واحنا معاك دايمًا ع الوعد

شيفينك فى عرابى وناصر
شيفينك فى صلاح الدين
وف ثورة ثلاثين من يونيو
كنت الحارس كنت امين
تحيا مصر تحيا مصر

إيدنا فى إيدك نبني بلدنا
ونخليها فى شكل جميل
نزرع فيها ونحصد خيرها
راح نسقيها بنهر النيل
عاش أبطال الشعب المصرى
شعب العزه ومجد اصيل
رافع علمه بكل إرادته
ويعليها جيل ورا جيل
تحيا مصر تحيا مصر

تحية حب لجيشنا الوطنى
اللى بيحمى وليه بطولات
قال بلادى تعيش واموت
مهما ان كانت تضحيات
سينا هتفضل طاهره وحره
ولأولدنا فى خير وامان
راح نفديها بضى عنينا
والارهاب مايكون له مكان
تحيا مصر تحيا مصر

بالاخلاص والحب نعيش
شعب عظيم مع شرطه وجيش
مش هتفرق بينا جماعه
خاينه بتاخذ ولا تدش

عائزه تفرق بينا وتحكم
بالتدمير وفتاوى ابليس
واحنا جموع الشعب المصرى
حالنا يبكى ويبقى تعيس
تحيا مصر تحيا مصر

احنا جموع الشعب المصرى
مسلم قبطى ليوم الدين
إيد فى الإيد حنعلى ونبنى
مصر بلدنا فى حصن متين
مصر بتفرح يالا يا شعب
ارفع رايتك عدى الصعب
الإنجاز فى طريقنا وقرب
كلمه بقولها وجايه من القلب
تحيا مصر تحيا مصر

كأس العالم

ميت مليون بيقولوا يارب
أحفظ وانصر دايمي مصر
كل دعاهم كان م القلب
وربك واحده عليم بالأمر
وإحنا الشعب صبرنا ونولنا
وادی ولادنا جابولنا النصر
ياللى رفعتوا علمها بحب
حلم اتحقق بعد سنين
كأس العالم لينا اهو طب
بعد غياب من جيل تسعين
إفرحوا يالا وقولوا م القلب
عاشت مصر يامصريين

مين كان يصدق
مين كان يقول
الحلم الصعب يتحقق
والفكر سارح ومشغول
الخوف مسيطر ع الحكايه
والحزن شارد فى العقول
وعيوننا قاعده مركزه
لآخر دقيقه ع النهايه
وفجأه تحصل معجزه
والنصر ييجى فى ذهول
الفرحه مغموره بدموع الإنتماء
والصبر مفتاح القبول
وعنوان البطوله والاداء
خطه عملها مستر كوبر
ركز فيها بكل فلاح

جاء النصر فى شهر اكتوبر
بالفرعون المصرى صلاح
ويا الحضرى السد العالى
واللعيبة قاموا الأفراح
نصبوا السيرك شمال ويمين
علشان مصر الغاليه تعدى
كل الصعب يامصريين

الشاعر فى سطور

الاسم / وليد السيد حسين عطوة والشهرة
شاعر الثورة/ وليد المصرى
ولد فى 1978/6/20 بقرية سرايوم
بمركز فايد محافظة الأسمايلية
شاعر الثورة بميدان التحرير
مدير الصفحة الثقافية بجريدة الجمهورية الآن
عضو جمعية مبدعى مصر وموسوعة شعراء العامية
عضو رابطة الزجالين وكتاب الأغاني
عضو نادى أدب قصر ثقافة الإسماعيلية
مشرف لجنة الأدب بساقيه غنيم للتنوير
سكرتير عام لجنة الشباب بحزب الوفد بفايد
عضو رابطة اقلام بلا قيود
عضو رابطة لألىء القناة الأدبية
له ثمانية دواوين صدر منهم ثلاث دواوين مشتركة
 وخمس دواوين خاصه (احلام الفتى الثائر_ مين حبها قدى_
بين الماضى والحاضر_ مربعات المصرى_ حروف الجر)
قبل وبعد ثورتى 25 يناير و30 يونيو
تحت الطبع

حصل على كأس شاعر الميدان
من رابطة فناني مصر بميدان التحرير
حصل على لقب امير الشعراء العرب لعام 2017
فاز بالمراكز الأولى فى العديد من المسابقات
على مستوى مصر والوطن العربى
وتم تكريمه كشاعر الثورة بمهرجان الاسكندرية
والعديد من المهرجانات
شارك فى العديد من المؤتمرات والملتقيات الثقافية
نشر له العديد من الأعمال بالصحف والجرائد القومية
أذيع له الكثير من الأعمال بالفضائيات والإذاعة والتلفزيون
عمل كشاعر غنائى وله بعض الأعمال الفنية والغنائية
شارك بجميع المظاهرات
منذ ثورة 25 يناير 2011 حتى ثورة 30 يونيو 2013
للتواصل مع الشاعر / 01003616991

محتوى الكتاب

م	المحتوى	الصفحة
1	بطاقة الكتاب	2
2	إهداء	3
3	مفتتح	4
4	هويس	5
5	مركب العشاق	8
6	نفس المكان	10
7	مين حبها قدى	13
8	سؤال وجواب	18
9	دواير حياة	20
10	شدى حيلك	24

26	شهيد الوطن	11
31	ارهاب	12
33	شعب القنال	13
37	السويس	14
38	يوم العبور	15
42	خير أجناد الأرض	16
45	باعشقتك	17
48	بسمّة أمل	18
51	لمسة وفاء	19
55	رسالة إلى امي	20
58	جأى أقول لك	21
60	واحشائي يامه	22
63	أغنية سينا	23
65	دائما في القلب	24

68	ثورة يونيو	25
73	شباب 25 يناير	26
75	حكاية ميدان	27
78	فرعون	28
82	بين الحياة والموت	29
87	أوبريت / مصر بتفرح	30
93	كاس العالم	31
96	الشاعر فى سطور	32
98	محتوى الكتاب	33